

[1421, říjen 20] – Uherský Brod

*Římský, uherský a český král Zikmund informuje svého zetě [rakouského vévodu Albrechta V.] o bojích proti husitům na východní Moravě a ve východních Čechách, ptá se jej, kde se momentálně nachází, a připomíná, že s ním počítá pro vojenské tažení do Čech.*

Sigmund von gots gnaden Römischer künig zu allen zeiten  
merer des reichs und zu Vngern, zu Behem etc, kunig.

Hochgeborner lieber sun und furste! Wir lassen dein lieb wissen, als wir unsers heres ainen tail mit ettleichen baniren vor uns mit puchssen, pulver und anderm geczeug die veind zenötten gehört gesandt hatten und sich ettwe verr ein halbe meil von dem Vngrischen Brod gelegert hatten, also haben sich die Hussen, nemleich des von Straznicz und Hasken von Ostrow volk, gesamet und haben die unsern übernacht übervallen. Doch hat got der almechtig den unsern geholffen, daz wir der unsern wenig verlorn haben und daz sy das velde behalten haben. Was aber der Hussen gewest ist, die sind all erslagen, ausgenomen, die entrunnen sind. Und ob deiner lieb yemant anders fürpringen wurde, das wellest nicht gelauben, sunder uns ist da ettwas schaden geschehen an pulver und an ettleichen wegen, das wir uns klain scheczen. Aber wir ziehen dennoch für uns und wir wellen unsern sachen nachgeen gen unsern veindten den Hussen, als wir die nů angevangen haben, und wir getrawn dir, du werdest dich gen in als unser lieber sun beweisen. Auch begern wir sunderleich ze wissen, wa dein lieb mit deinem here sey oder was du dich zůtund vervangen hast, wan wir bisher von deiner lieb nichts gewisse vernomen haben und wir wolten mit deiner lieb gar gern zusammen komen. Darumb wellest uns all dein lewff unverczogenleich embieten. Auch wisse, daz der bischof von Olomuncz und der Pipo ain sunder veld zu Merhen haben. So hat der bischof von Breslaw mit herczog Rumpolten und andern fursten und unsern getrewn auch ain besunder velde, die die stat Landscron, Sampach das haws, Zwittaw die stat und – als wir maynen – Lewthomissel nů eingemen und zu unser gehorsam gepracht haben. Und was uns nů furbas begegnen wirdet, das wellen wir dich alzeit wissen lassen. Geben zum Vngrischen Brod am montag nach sand Lucas tag unser reich etc.

*Soudobý opis, papír; uloženo v Magyar Országos leveltár, sign. DL 48 106. Regest otištěn v ZsO VIII, s. 325–326, č. 1070.*